

Date – 27/09/2025

Time - 07:30 -07:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Sorkar laipuiin GST chhiah a tih hniamna, GST 2.0 chu Mizoramah pawh a taka hman a ni a, thil leitu mipuite chuan GST rate thar hi an chhawr tangkai hle dawna an hriat thu an sawi.**
- 2. Bengngawng te Ni chu nimin khan Mizoramah hman a ni.**
- 3. Union Agriculture Minister Shivraj Singh Chouhan chuan nimin khan Pradhan Mantri Kisan Samman Nidhi (PM-KISAN) scheme instalment 21 na nimin khan a sem.**
- 4. Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn**

<><><>

GST REFORMS

Sorkar laipuiin GST chhiah a tih hniamna, GST 2.0 chu Mizoramah pawh a taka hman a ni a, thil leitu mipuite chuan GST rate thar hi an chhawr tangkai hle dawna an hriat thu an sawi.

State Tax Mamit Zone te chuan nimin khan Mamit khawpui chhung a dawr hrang hrangah GST Rate thar hman leh hman loh an enfiah a, State Tax Mamit te hian State Tax Mamit Zone, State Tax Officer (STO) Pi Caroline Laldingngheti hovin khawchhunga sumdawna hmun leh dawr hrang hrangah an kal kual a. India ram puma GST rate tlakhniam hma sept ni 17 khan survey an lo nei tawh a ni.

Kan corr thudawn danin, Mamit District chhung khaw hrang hrangah a remchan dan ang angin survey hi an nei chho zel dawn a. Hemi rual hian GST registration nei pha si, la nei si lo te enfiah nghal a ni a, heng mite registration ti tura hrih nghal an ni a, GST Tax invoice neilote pawh nei ngei tura hriattir nghal an ni zel bawk.

GST Rate thar hi Lungleia Dawr lian pangngai, Direct-a Company dawr te chuan zawm an tum chho mek zel a, Stationery zawrhna hlun ber Bethel Store Venglai Lungleiah pawh inbuatsaihna an kalpui mekin an Customer hnenah Tex Invoice pawh nimin piahtang khan an pe a a, hemi print nan hian Thermo printer leiin dan in a phut ang zel in hma an la nghal tih an sawi.

Dawr neitu Pu K. Lalmuankima chuan a man tlawm tur a tih ho pencil leh a zumna, nawhreh, ziaiklohbu leh khawvel map te pawh an tihlawm tur

zingah a tel tiha sawi a, hetihruah hian pencil ringawt pawh chi hrang hrang a awm avangin thliar fel a ngaih thu a sawi a, GST thar awm hmaa bungrua an lo lak tawhsa te pawh GST an neih miao avangin ITC hmanga claim theih anih angin an claim ve mai dawn tih sawiin Taxation staff te pawhin thil nihdan phung phone hmanga an hrilh tawh thu a sawi.

Lungleia kan Correpondent Thanghminglana Renthlei sawi danin infiamna bungraw zawrhna Fidelia store, Lunglei Venglai pawhin Company nen an in dawr reng thu leh anni hian GST hniamna tur percentage leh Items hrang hrang te pawh an rawn thawh tawh an ti a, MIZOFED pawhin an thil zawrh thenkhat Hawkins product, pressure cooker leh bungbel chi hrang hrang pawh GST 2.0 mil vekin an hralh nghal a ni.

Dawr Manager Pu Johnny-a chuan an thil zawrh zinga a tam ber chu 5% a hniam tur a ni a, a mal a hralh na angah chuan a tlawmna a tam lutuk lova, a tlangpuiin cheng 8 ang vel a ni tlangpui a ti a, Company atanga hriattirna an dawn dan chuan Retail-a hralhna a danglam ang a, Wholesale a hralhna erawh a danglam dawnlo tiin an zia tih a sawi a ni.

<><><>

CM

Chief Minister Pu Lalduhawma chuan P&E Conference Hall, Minco-ah niman khan Mizoram Engineer Service Association Conference vawi 44-na chu khuallian niin a hmanpui.

He hunah hian Chief Minister Pu Lalduhoma chuan thusawin, Engineer-te chu ram hmasawnnna hna thawktu leh mipuite hmaa sawrkar hmel tilang Chiang Bertute zing a mi an nih angin, sawrkar thawhpui kawngah theihtawp chhuah zel turin a chah a. An hmalakna hrang hrangte fakawm a tih thu sawin, Sawrkar chuan uluk takin an hnathawh apiang a vil ve reng tih hre tura chahin, ram ro tlinga hna thawk chhonzawm zel turte, Department hrang hrangte nen tanrualna tha tak nei chung a hna ruahman thin turtein a chah baw a. Conference chu hlimtaka hmang turi kalkhawmte chu duhsakna a hlan nghal baw a ni.

<><><>

WORLD DEAF DAY

Bengngawng te Ni chu niman khan Mizoramah National Programme for Prevention & Control of Deafness (NPPCD), National Health Mission (NHM) chuan a vawi 11 na atan hman a ni a,

World Day of the Deaf hi kum 1958 September thla atang khan hman a lo ni tawh thin a. Geneva Headquarter in a rel ang in he Ni hian a tum ber chu Bengngawng te harsatna hriatthiam pui tur leh bengngawnnna ti tlem tura mipui te hnena zirtirna zau zawk a theh darh hi a ni. Hei bakah hian Zaizir a inbiakna tun aia hman uar te, bengngawng te tan inkiltawihna ti zia awm tur a hmalak te hi a tum ber a ni a.

WHO in a zir chianna ah chuan Bengngawnnna hi kan thil hriatna 5 (sensory organs) zinga piansualna ah a tum ber a. Tunah hian khawvel pum pui ah mihring tluklehdingawn 1.5 (1.5 billion) vel hian ri hriatna chaklo an nei a, heng zinga maktaduai 430 te chu an beng a ngawng a, tun ang zela kan kal

chho anih chuan kum 2050 ah chuan mihring 10 zel ah 1 hi an beng a ngawng dawn a chhut a ni. Hetiang anih avang hian kan beng hi kan enkawl uluk a ngaiin bengngawwna thlentu hrang hrang lakah kan in ven fimkhur a ngai hle a. Beng natna chi hrang hrang bakah damdawi beng ri hriatna chaklo thlen thei lakah te leh Ri bengchheng nasa lakah te kan inthiar fihlim a pawimawh hle a ni.

World Day of the Deaf denchhen hian Interschool Speech Competition huaihawt a ni a, He hunah hian Higher Secondary School 10 telin, mi 16 ten intihsiakna hi an nei a ni.

He mi kawnga hma la tur hian National Programme for Prevention and Control of Deafness (NPPCD) chu kum 2014, August thla atang khan Mizoramah pawh National Health Mission hnuaiah din tan a ni a. Tun April 2025 atanga July 2025 thlenga record in a tarlan danin NPPCD hnuaiah hian Damlo mi 11,166 en niin Bengngawng mi 2029 hmuhchhuah an ni a, beng natna nei mi 2517 en an ni tawh a, Bengdar hi mi 43 hnenah pek niin mi 642 chu bengdar dawng turin refer an ni bawk a ni. Hemi kawngah hian RBSK, NILD - NERC ALIMCO te nen bengdar sem kawngah hian an thawk ho mek bawk a ni.

<><><>

BE A SDO OF THE DAY

Nasha Mukht Bharat Abhiyaan hnuaia ruihhlo do beihpui peng khat atana Lunglei Deputy Commissioner hma lakna kal zelah, nimin khan Tlabung RD Block-ah "Ni Khat Atan SDO(C)/BDO (Be a SDO(C)/BDO for a Day)" tih hun buatsaih a ni a. Tlabung RD Block-a zirlai naupang paruk chu SDO(C)/BDO hna thawh dan a taka an hriatna tur leh mawhphurhna pawimawh la ngam tura fuih phurtu atan SDO(C)/BDO thutthleng luahtir an ni.

Tlabung Block chhunga zirna kawnga ti tha leh entawn tlak tia thlanchhuah zirlai paruk – te chu he hunah hian an tel a. Zirlaite hi SDO(C) lirthiin SDO(C) Office thleng hruai niin, Tlabung SDO(C)/BDO Pu Moses Lalfakawma Tlau leh thawktute'n an lo dawngsawng a. Office-a pindan hrang hrang an fan kualpui a ni.

He hun hmanah hian zirlaite hi BDO hna thawh dan leh sawrkar hma lakna (scheme) hrang hrang - MGNREGA, Pradhan Mantri Awaas Yojana (Gramin), Mizoram State Rural Livelihood Mission, Swachh Bharat Mission, etc. te hrilhfiiah an ni a. BDO thutthlenga thuin, mipuite mamawh leh harsatnate an ngaithla a, chhiatna thlen thulha hma lak dan leh block hmasawwna atana ruahmanna siam dan hrang hrangte a takin an ti chhin bawk.

Tlai lamah "Ni Khat Atan SDO(C)/BDO" hun hman atanga an thil zir chhuah leh tawn hriatte inhrilh tawwna hun buatsaih niin, SDO(C)/BDO Pu Moses Lalfakawma Tlau chuan Zirlai-BDO-te hnenah hian thuziak a hlan a ni.

Lunglei DC hma laknain "Ni khat atan Bawrhsap" (Be Deputy Commissioner for a Day) tih chu August ni 27, 2025 khan Lungleiah hlawhtling taka buatsaih a lo ni tawh a. He hma lakna hi DC ruahmannain block level-ah chhunzawm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM KISAN

Union Agriculture Minister Shivraj Singh Chouhan chuan nimin khan Pradhan Mantri Kisan Samman Nidhi (PM-KISAN) scheme instalment 21 na nimin khan a sem a. Heng sum semchhuahte hi Himachal Pradesh, Punjab leh Uttarakhand-a loneitu tuilian tuar leh ruahsur nasa in a tihbuaite hnenah sem a ni a. Thusawiin Pu Chouhana chuan cheng vaibelchhe 540 chaung loneitu vaibelchhe 27 te account ah thun a ni a ti a. An zingah hian hmeichhia nuai 2 leh sing 7 an tel a ni.

<><><>

SEVA PARV

Mipui rawngbawl leh sawrkar inrelbawlna tha thupaia neiin Prime Minister Narendra Modia hnuaiah ramchhungah hmasawwna tam tak thlen mek a ni. Tun tum Seva Parv hunah chuan Modia sawrkarin India ram hmanlai rohlu leh hausakna a tuaithar dan tarlang ila. PM Modia hnuaiah India rama hmanlai rohlu milem leh thildang khawvel hmun danga rukbo te zawnchhuah a laklet a ni a. Hei hian ramchhunga hnam ziarang leh thil hluite ngaihhlutna a ti nung thar leh mek a ni. Kum 2014 atangin hmanlai thil hlu rukchhuah 642 chu chhui tawh niin thenkhat chu India ah laklet a ni tawh a. Heng zingah hian BC zabi 3 na hunlai ami Lord Buddha lim ker Piprawha relic pawh a tel a. Pu Modia chuan India hnam rohlu ngaihhlutute tan ni lawmawm tak anih thu a sawi.

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 126-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawh ang.